



UNIVERSITÄTS-
BIBLIOTHEK
PADERBORN

Universitätsbibliothek Paderborn

Vitae Sanctorvm

Lippeloo, Zacharias

Coloniae Agrippinæ, 1604

Martyrivm SS. Philoromi Et Philææ. ex ecclesiasticæ hi[s]toriae Eusebij libro octauo cap. 10. & 11. Paßi sunt Anno Diocletiani Imperatoris decimo nono Christi Domini 302. Marcelli verò Papæ. 6.

urn:nbn:de:hbz:466:1-42667

Deo iustitiae coronam accepturus. Prodiit autem tanta claritate refulgens, ut omnes ingenti admiratione tenerentur. Praeses autem certaminum cum sui nominis dedecore pertæsus. capitis eum sententia damnauit, quam glorioso fine vna cum duobus pueris lætabundus excepit,

Decollatur S. Blasius cū 2. pueris sibi ab vna matronatum commissis.

MARTYRIVM SS. PHILOROMI ET

Philææ ecclesiasticæ hictoria Eusebij libro octauo cap. 10. & 11. Passi sunt Anno Diocletiani Imperatoris decimo nono Christi Domini 302. Marcelli verò Papæ 6.

Vide Cæf. Baron. Ann. Tom. 2.

Philoromus & Philæas, diuitiis, nobilitate, gloria eloquentia, & Philosophiæ cognitione admodum illustres, præclarum sanè martyrij certamen obierunt. Quorum alter, Philoromus nimirum, generali controuersiarum iudicio ab Imperatore uen summa gloria & honore præfectus; alter vero Philæas Thmuitensis ecclesiæ episcopus; vir planè cum in ciuilibus patriæ institutis, & ecclesiæ ministerijs valdè præstabilissimum philosophiæ disciplinis eximius. Hi cum neque maximis, in quibus uiuebant, opum honorumque splendoribus, neque amicorum & conuatorum precibus, neque ipsius iudicis vel minus, vel blanditijs, à Christi confessione ad impium simulachrorum cultum traduci possent, sed animo virili, & mente Philosophis, imo Deo digna, omnibus iudicis minis & contumelijs obtiniam trent, æternam, capitis sententia gloriæ coronam accipere meruerunt.

4. Februarij

Philoromi dignitas.

Philæas Episcopus.

Inuisti illorum animi.

Abeunt è vita, capitis obtruncatione.

Et

Ex epistola
Philæ, in
carcere, de
martyribus
Alexandriæ
scripta.

Martyrum
multiplices
cruciatu &
iniuria.

Novi sup-
plicij genus.

Et ut clarius Philæ virtutem, inuictumque
animi robur, pariterque martyria, quæ eius in
Alexandriæ contigerunt, cognoscere liceat, in-
mam epistolæ eiusdem Episcopi ad Thumam
perscriptæ, hic attexere libet. Beati, inquit, mar-
tyres, qui apud nos pro Christi fide occubuerunt,
meliora dona æmulantes, omnia, quæ excogitari
poterant suppliciorum genera, non semel, sed iterum
atque iterum sustinuerunt. Quorum eximi-
am fortitudinem, & excelsam in singulis tormen-
tis animi magnitudinem, quæ tandem oratio po-
terit explanare? Et cum libera omnibus, quibus-
cunque vellent pœnarum contumeliarumque
generibus, martyres affligendi potestas facta es-
set, hi fustibus, illi virgis, alij flagellis, nonnulli
loris, multi funibus eos perculerunt; atque spo-
ctaculum hoc plenum probri & ignominie, no-
uis vicissim plagarum suppliciorumque generi-
bus erat variatum. Quidam enim, manibus pri-
mum à tergo reuinctis, ligno appensis, & machi-
nis quibusdam membra eorum vniuersa disten-
ta, deinde graviter non solum latera, sed venter,
tibiæ & genæ ferreis flagris caesa sunt. Alij altera
manu ad porticum affixi, acerbissimam articulo-
rum membrorumque distensionem patientes,
pepèderunt. Alij alterius in alteru vultu obu-
erso ligati, & columnis appensi, funibus summa vi-
rium contentione retractis, corporis gravitate ac
pondere acerbè premebantur. Et hoc quidè sup-
plicij genus non ad horam, dum cum illis quæsti-
one disceptaret Præses, sed per totum ferè diem
sustinebant.

Præter alia tormentorum genera, istud no-
uum præterea, quod sequitur, aduersarij nostri
inuenerunt. Nonnulli post verbera in compe-
dibus

dibus ligneis positi erant, & pedes, alter ab altero
 ad quartum foramen distenti distractique, adeo
 ut necessario supini iacerent, nec possent pro-
 pter plagarum vulnera, recens toti corpori infli-
 cta, se vilo modo commouere. Alij in solum pro-
 iecti, crebris tormentorum ictibus fatigati, semi-
 neces iacebant; & varia diuersaque supplicio-
 rum flagmata, longè miserabilius ipsis tormentis
 spectaculum, contemplantium oculis, subijcie-
 bant; Ex his autem nonnulli in ipsis tormentis
 mortui, singulari animi tolerantia aduersarium
 confuderunt. Alij cum ipsa morte in carcere cer-
 tantes, dolorum tandem acerbitate oppressi, feli-
 citer migrarunt. Reliqui integra valetudine & ^{innicta mās}
 viribus recuperatis, longò carceris supplicio- ^{tyrum foi-}
 rumque vtu exercitati, terribiles nimis ipsis da- ^{titudo.}
 monibus euaserunt. Atque hoc quidem modo,
 cum singulis eorum, vel libertas & maximus o-
 pum honorumque omnium splendor, si victi-
 ma execrabiles contrectare, vel exquisitissima
 tyrannorum supplicia, si in Christi confessione
 perseverarent, proposita essent, illi, tota mente &
 ardenti fide, in Christi amorem & cœlestis vitæ
 spectanti, inflammatis ad mortem animis
 properabant. Has litteras Philæas ad fratres ec-
 clesæ, cui ipse præerat, in carceris custodia
 exaravit, ut tam præclaro certamine
 oculis eorum obiecto, omnes ad
 similem coronam exci-
 taret.